

ДӨРӨВДҮГЭЭР БҮЛЭГ

АНГИ, САЛБАРЫН ЯВГАН ЖАГСААЛ

ТАСГИЙН ЖАГСААЛ

Дэлгээ жагсаал


70. Тасгийн дэлгээ жагсаал нэг буюу хоёр эгнээ байж болно. Тасгийг нэг /хоёр/ эгнээгээр жагсаахдаа **“Тасаг, нэг /хоёр/ эгнээ-ЖАГС”** команд өгнө.

Тасгийн захирагч жагсаалын үндсэн зогсолтоор зогсож, команд өгөөд жагсах зүгт харж зогсоно. Тасаг нь захирагчийн зүүн гарт 14, 15 дугаар зурагт үзүүлсний дагуу жагсана. Тасаг жагсмагц, тасгийн захирагч жагсаалаас 2-3 алхам гарч, тасгийн жагссан байдлыг хянана.

Дөрөв, түүнээс цөөн бүрэлдэхүүнтэй тасаг ямагт нэг эгнээ жагсана.



Зураг 14. Тасгийн нэг
эгнээ дэлгээ жагсаал эгнээ



Зураг 15. Тасгийн хоёр
дэлгээ жагсаал

71. Тасгийг байран дээр нь зэрэгцүүлэх шаардлагатай бол **“ЗЭРЭГЦ”** эсхүл **“Зүүн тийш-ЗЭРЭГЦ”** команд өгнө.

71.1. Байран дээр **“ЗЭРЭГЦ”** командаар баруун үзүүрийнхээс бусад нь баруун тийш толгойг эргүүлж /баруун чих зүүн талынхаас дээгүүр, эрүүг өргөн/ өөрийгөө нэг гэж тоолоод дөрөв дэх хүний цээжийг харж байхаар зэрэгцэнэ.

71.2. **“Зүүн тийш-ЗЭРЭГЦ”** командаар зүүн үзүүрийнхээс бусад нь толгойг зүүн тийш эргүүлж зэрэгцэнэ.

71.3. Цэргийн алба хаагч **“ЗЭРЭГЦ”** командаар байран дээр хөдлөн зэрэгцэнэ.

71.4. Явдал дунд **“ЗЭРЭГЦ”** командаар өөрийгөө 1 гэж тоолоод, 3 дахь хүний өмнө алхаж яваа цэргийн алба хаагчийн толгой дээгүүр чиглүүлэн хараа гаргаж алхана. Жагсаалын хайрцагны 1-р эгнээ, 2-р цуврааны цэргийн алба хаагчид дээр заасан чиглэлийг баримжаалан хараа гаргаж алхална.

71.5. Пулемётыг **“Хөлд”** авсан үед зэрэгцэхдээ дээрхээс гадна гүйцэтгэх командаар жад /бууны ам/-ыг өөр рүүгээ татна.

71.6. Зэрэгцсэний дараа **“НОМХОН”** командаар цэргийн алба хаагчид толгойг эгцлэн, пулемётыг урьдын байдалд оруулна.

71.7. Тасгийг эргүүлсний дараа зэрэгцэх зүгийг зааж командлана: **“Баруун тийш-ЗЭРЭГЦ”** буюу **“Зүүн тийш-ЗЭРЭГЦ”**.

72. Цэргийн алба хаагч нь **“БОЛНО”**, **“АНХААР хувцас -ЗАС”** командыг 29 дүгээр зүйлд заасны дагуу байран дээрээ гүйцэтгэнэ.

Цэргийн алба хаагчид нь **“Тасаг-ТАРААД”** командаар тарж, **“Тасаг-ЖАГС”** командаар захирагчийн зүүн гарт 14, 15 дугаар зурагт үзүүлсний дагуу жагсана.

73. Тасагаар гүйцэтгэх эргэлтүүдийг 32, 41, 57 дугаар зүйлүүдэд заасан журам, командаар биелүүлнэ.

Хоёр эгнээ жагсаалд тасгийг баруун /зүүн/ тийш нь эргүүлсний дараа тасгийн захирагч нь баруун /зүүн/ тийш хагас алхам, харин эргүүлэх үед урагш нэг алхана.

74. Тасгийг байран дээр нь салгахын тулд **“Тасаг, баруун тийш /зүүн тийш, дундаас/-САЛ”** буюу ... **алхам-САЛ /гүйгээд-САЛ/** команд өгнө.

Гүйцэтгэх командаар эхний буюу нэр заагдсан цэргийн алба хаагчаас бусад нь заасан зүгт эргэн хөлөө хавсрангуут жагсаалын өвөр тал уруу толгойгоо эргүүлж, ардаа яваа цэргийн алба хаагчийг мөрөн дээгүүрээ хянаж хурдавчилсан алхаагаар алхана. Ар талын хүнээ зогссоны дараа нэг алхах буюу командад заасан тоогоор алхаад зогсож, командгүйгээр зүүн /баруун/ тийш эргэнэ.

Дундаас салах үед нэр заагдсан цэргийн алба хаагч **“БИ”** гэж хариулаад, зүүн гарыг урагш нь мөрний хэмжээнд өргөөд буулгана.

Тасгийг салгасан үед байран дээр зэрэгцүүлэхэд хоорондын завсар хэвээр үлдэнэ.

75. Тасгийг нийлүүлэхийн тулд **“Тасаг, баруун тийш /зүүн тийш, дундаа/-НИЙЛ”** команд өгнө.

Гүйцэтгэх командаар нэр зааснаас бусад цэргийн алба хаагч нийлэх зүгт эргэсний дараа хурдавчилсан алхаагаар алхаж, хураангуй жагсаалын тогтоосон зайг аван зогсож, командгүйгээр баруун /зүүн/ тийш эргэнэ.

76. Тасгийг хөдөлгөөн үйлдүүлэхдээ **“Тасаг, буу-ООСОРТ”, “Алхаад /жагсаалын алхаагаар алхаад, гүйгээд/-МАРШ”** команд өгнө. Хэрэв шаардлагатай бол хөдөлгөөний чиглэл, зэрэгцэх зүгийг командад зааж өгнө: **“Тасаг, буу-ООСОРТ”, “Баруун /зүүн/ тийш зэрэгцэж, алхаад-МАРШ”**

“Марш” командаар цэргийн бүх алба хаагч зэрэгцээ, хоорондын завсар, зайг хадгалан нэг зэрэг хөдөлгөөнөө эхэлнэ. Хэрэв зэрэгцэх зүгийг заагаагүй бол толгойг эргүүлэлгүй баруун тал уруу зэрэгцэнэ.

Тасгийг зогсоохын тулд **“Тасаг-ЗОГС”** команд өгнө.

77. Цэргийн алба хаагчид төрөл бүрийн буутай жагссан үед шаардлагатай тохиолдолд тэдгээрийн аль нэгийг өөр байдалд авахуулахын тулд уг бууны нэрийг командад заана: **“Автомат-ЦЭЭЖИНД”, “Пулемёт-ООСОРТ”**.

78. Жагсаалыг хажуу тийш нь шилжүүлэхийн тулд **“Тасаг, баруун / зүүн/ тийш-ЭРГЭ”** команд өгч эргүүлээд **“... алхам алхаад-МАРШ”** команд өгнө. Цэргийн алба хаагчид заасан тоогоор /алхам заахгүй байж болно хувилбар/ алхаад зогсонгуут **“Тасаг, зүүн /баруун / тийш-ЭРГЭ”** команд өгч анхны байдалд оруулна.

Түүнээс гадна 40 дүгээр зүйлд зааснаар тасгийг хажуу тийш болон урагш, гэдрэг алхуулж болно.

79. Гүүрээр гарах, замын төвөгтэй хэсгийг гатлах зэрэг хөл нийлүүлж явах боломжгүй эсхүл аюултай замын хэсэгт **“СУЛ АЛХААД”** команд өгч, чөлөөт алхаанд шилжүүлнэ. Цэргийн алба хаагчийг сул алхаанаас аяны алхаанд шилжүүлэх, эсхүл жагсаалд тэдний хөлийг нийлүүлж алхуулахын тулд **“ХӨЛӨӨ ОЛ”**, эсхүл **“ДОРОО”** команд өгнө. **“ХӨЛӨӨ ОЛ”** командаар чиглүүлэгч буюу жагсаалын эхний хүнтэй алхаагаа нийлүүлнэ. Харин **“ДОРОО”** командаар хөл нийлүүлмэгц **“ЧИГЭЭРЭЭ”** командаар аяны алхаагаар хөдөлгөөнийг үргэлжлүүлнэ.

80. Тасгийн чиглэлийг өөрчлөхийн тулд **“Тасаг, баруун /зүүн/ мөр түрүүлж алхаад-МАРШ” /хөдөлгөөн дунд-“МАРШ”/** команд өгнө.

Энэ командаар тасаг нь баруун /зүүн/ мөрөө түрүүлж алхана. Мөр түрүүлж байгаа цэргийн алба хаагч зүүн /баруун/ хараа гарган, эгнээг шахахгүйгээр бүтэн алхаагаар алхана. Нөгөө үзүүрийн цэргийн алба хаагч нь дороо алхан, түрүүлж яваа хүнтэй хөдөлгөөнөө тохируулан алгуурхнаар зүүн /баруун/ тийш эргэнэ. Бусад цэргийн алба хаагч түрүүлж байгаа үзүүрийн зүг хараа гаргахгүй, зэрэгцээгээ алдалгүй, нөгөө талынхаа зэрэгцсэн хүнд тохойгоор шүргэж, алхаагаа тохируулан эргэнэ.

Тасгийг шаардлагатай зүгт чиглэмэгц **“ЧИГЭЭРЭЭ”** буюу **“Тасаг-ЗОГС”** команд өгнө.

81. Тасгийг нэг эгнээ жагсаалаас хоёр эгнээ болгон жагсаахын тулд урьдчилан **“Тасаг, нэг, хоёроор-ТООЛ”** команд өгнө.

Энэ командаар баруун үзүүрээс эхлэн цэргийн алба хаагчид дэс дараагаар зүүн тийш хараа гарган өөрийнхөө тоог хэлэнгүүт толгойг огцом эгц болгоно. Зүүн үзүүрийн төгсгөлийн хүн хараа гаргахгүй.

Мөн ийм журмаар нийтэд нь тоолуулахын тулд **“Тасаг, дэс дараагаар-ТООЛ”** команд өгнө.

Хоёр эгнээ жагсаалд хоёрдугаар эгнээний зүүн үзүүрийн цэргийн алба хаагч тоолж дуусмагц **“ Жагсаал дүүрэн”** эсхүл **“Жагсаал ...дутуу”** гэж илтгэнэ.

82. Тасгийг нэг эгнээ жагсаалаас хоёр эгнээ болгон жагсаахдаа тасгийг нэг хоёроор тоолуулсны дараа **“Тасаг, хоёр эгнээ-ЖАГС”** команд өгнө.

Гүйцэтгэх командаар **“Хоёр”** гэж тоолсон цэргийн алба хаагчид зүүн хөлийг гэдрэг алхаж, **“Нэг”** гэж тоолсон цэргийн алба хаагчийн шилийг харахын тулд баруун хөлөө хавсралгүй хажуу тийш нь алхаад, зүүн хөлийг хавсарна.

83. Тасгийг хоёр эгнээ хураангуй жагсаалаас байран дээр нь нэг эгнээ жагсаахын тулд урьдчилан нэг алхам салгаж, дараа нь **“Тасаг, нэг эгнээ-ЖАГС”** команд өгнө.

Гүйцэтгэх командаар **“Хоёр”** гэж тоолсон цэргийн алба хаагчид зүүн хөлийг зүүн тийш алхаж, баруун хөлийг хавсралгүйгээр урагш алхаад, зүүн хөлийг татан хавсарч, нэгдүгээр эгнээнд зэрэгцэн зогсоно.

84. Бууг газарт тавиулахын тулд урьдчилан **“Тасаг-БУУ”**, дараа нь **“Буу-ТАВЬ”** команд өгнө. **“Тасаг-Буу”** командаар автомат, гар гранатомётыг **“Оосорт”** байдлаас баруун гарт авахуулна. Пулемётыг **“Хөлд”** авахуулсан, пулемётын хөлийг тэнийлгэсэн байна.

“Буу-ТАВЬ” командаар нэгдүгээр эгнээ урагшаа хоёр алхсаны дараа хоёр эгнээ нэгэн зэрэг зүүн хөлөө урагш нэг алхаж 54 дүгээр зүйлд заасан журмын дагуу бууг газарт тавиад, зүүн хөлийг хавсарч жагсаалын үндсэн зогсолтод шилжинэ.

85. Бууг авахуулахад **“Тасаг-БУУНДАА”**, дараа нь **“Буу-АВ”** команд өгнө. Нэгдүгээр командаар тасаг бууныхаа дэргэд жагсаж, хоёрдугаар командаар цэргийн алба хаагчид зүүн хөл урагш нэг алхаж бөхийгөөд баруун гараар бууг авч биеэ эгцлэн зүүн хөл баруун хөлд татан хавсарч зогсоно. Хоёр эгнээ нэгэн зэрэг бууг **“Оосорт”** авсаны дараа хоёрдугаар эгнээ урагш хоёр алхана. Пулемётын хөлийг урьдчилан эвхэнэ.

АЯНЫ ЖАГСААЛ

86. Тасгийн аяны жагсаал нь нэг буюу хоёрын цуваагаар байна.

Тасгийг жагсаахдаа **“Тасаг, нэг /хоёр/-ийн цуваагаар-ЖАГС”** команд өгнө.

Тасгийн захирагч нь жагсаалын үндсэн зогсолтод шилжин команд өгөөд хөдөлгөөний зүгт харж зогсоход, тасаг 16, 17 дугаар зурагт зааснаар жагсана. Дөрөв, түүнээс цөөн бүрэлдэхүүнтэй тасаг ямагт нэгийн цуваагаар жагсана.

87. Тасгийг дэлгээ жагсаалаас цуваанд оруулахдаа **“Тасаг, баруун тийш-ЭРГЭ”** команд өгнө.

Тасаг эргэмэгц тасгийн захирагч нь баруун тийш хагас алхана.

88. Тасгийг цуваанаас дэлгээ жагсаалд оруулахдаа **“Тасаг, зүүн тийш-ЭРГЭ”** команд өгнө. Тасаг эргэмэгц тасгийн захирагч нь урагш хагас алхана.



Зураг 16. Нэгийн
цуваанд жагссан



Зураг 17. Хоёрын
цуваанд тасгийн аяны
жагсаал жагссан
тасгийн аяны жагсаал.

89. Тасгийг нэгийн цуваанаас хоёрын цуваанд оруулахдаа **“Тасаг, хоёрын цуваагаар, алхаад-МАРШ, /хөдөлгөөн дунд- “МАРШ”/** команд өгнө.

Гүйцэтгэх командаар тасгийн захирагч хагас алхаж **“Хоёр”** гэж тоологчид баруун тийш гарч 17 дугаар зурагт үзүүлсэн журмаар цуваанд байраа эзлэн **“ЧИГЭЭРЭЭ”** буюу **“Тасаг-ЗОГС”** команд өгөх хүртэл хагас алхана.

90. Тасгийг хоёрын цуваанаас нэгийн цуваанд оруулахдаа **“Тасаг, нэгийн цуваагаар, алхаад-МАРШ, /хөдөлгөөн дунд-“МАРШ”/** команд өгнө.

Гүйцэтгэх командаар тасгийн захирагч бүтэн, бусад нь хагас алхаж байр чөлөөтэй болмогц **“Хоёр”** гэж тоологчид нэгдүгээрийнхээ хойноос цуваанд орж хөдөлгөөнийг бүтэн алхаагаар үргэлжлүүлнэ.

91. Цувааны чиглэлийг өөрчлөхийн тулд **“Тасаг, баруун /зүүн/ мөр түрүүлж-МАРШ”**, эсхүл **“Тасаг, миний хойноос /гүйгээд/-МАРШ”** команд өгнө.

Нэгдүгээр командаар тасаг нь **“ЧИГЭЭРЭЭ”** команд өгөх хүртэл баруун / зүүн/ мөр түрүүлж, хоёр дахь командаар захирагчийн араас дагана.

САЛААНЫ ЖАГСААЛ

Дэлгээ жагсаал

92. Салааны дэлгээ жагсаал нь хоёр эгнээ байна. Харин жагсаалын үзлэг, хичээлийн үед нэг эгнээ жагсаж болно.

Салааг дэлгээ жагсаалаар жагсаахдаа “Салаа, хоёр эгнээ-ЖАГС” команд өгнө. Салааны захирагч “ЖАГС” команд өгөөд жагсаалын өвөр тал уруу харж зогсоход тасгууд захирагчийн зүүн гарт 18, 19 дүгээр зурагт үзүүлсний дагуу жагсана.

Хоёр эгнээ жагсаалд тасаг бүрийн сүүлчийн зэрэгцээ дүүрэн байна.

Тасгууд жагсмагц салааны захирагч нь жагсаалаас гарч салааны бүрэлдэхүүний ажиллагааг хянана.

Тасгууд нь дөрөв болон гурван хүний бүрэлдэхүүнтэй бол салаа 20 дугаар зурагт үзүүлсний дагуу жагсана.



Зураг 18. Салааны нэг эгнээ дэлгээ жагсаал



Зураг 19. Салааны хоёр эгнээ дэлгээ жагсаал



Зураг 20. 5 түүнээс доош бүрэлдэхүүнтэй тасгийн хоёр эгнээ дэлгээ жагсаал

а. Тасаг дөрвөн хүнтэй


б. Тасаг гурван хүнтэй

93. Дэлгээ жагсаалд салааг зэрэгцүүлэх, эргэлтүүдийг гүйцэтгэх, жагсаалын хувиралт болон бусад ажиллагааг тасгийн жагсаалын нэгэн адил командаар гүйцэтгэнэ.

94. Салааг нэг эгнээ жагсаалаас хоёр эгнээ болгон жагсаах, түүнийг эсрэгээр гүйцэтгэх ажиллагааг 81-83 дугаар зүйлүүдэд заасны дагуу гүйцэтгэнэ. Салааг тасаг тасагаар нь, нэг хоёроор нь тоолуулах үед тасгийн захирагч нар тоолохгүй.

АЯНЫ ЖАГСААЛ

95. Салааны аяны жагсаал нь гурав /салаа дөрвөн тасагтай бол дөрвийн цуваагаар/, хоёр болон нэгийн цуваагаар /21-23 дугаар зураг/ байж болно.




Зураг 21
Салааны аяны жагсаал зураг
а) гурвын цуваанд
б) дөрвийн цуваанд салааны
аяны жагсаал

Салааг гурвын цуваагаар жагсаахдаа **“Салаа гурвын цуваагаар-ЖАГС”** команд өгнө.

Энэ командаар тасгууд 21 дүгээр зурагт үзүүлсний дагуу жагсана.

Тасгууд дөрөв болон гурван хүний бүрэлдэхүүнтэй, хоёрын цуваагаар жагссан салааны аяны жагсаалыг 24 дүгээр зурагт үзүүлэв.



Зураг 22
Хоёрын цуваанд
жагссан салааны аяны
жагсаал


96. Салааг нэг /хоёр/ эгнээ дэлгээ жагсаалаас нэг /хоёр/-ийн цуваанд оруулахдаа **“Салаа, баруун тийш-ЭРГЭ”**, **“Буу-ООСОРТ”**, **“Алхаад-МАРШ”** команд өгнө. Салааг хоёрын цуваанд оруулах үед тасгийн захирагч, салааны захирагчийн орлогч нар баруун тийш хагас алхана.

97. Салааг хоёр эгнээ дэлгээ жагсаалаас гурвын цуваанд оруулахдаа **“Салаа, баруун тийш-Эргэ”**, **“Буу-ООСОРТ”**, **“Гурвын цуваагаар алхаад-МАРШ”** командаар нэгдүгээр тасаг хагас, бусад нь бүтэн алхаж хөдөлгөөн дундаа тасагтаа нэгийн цуваанд шилжиж, хоёр, гуравдугаар тасгууд нэгдүгээр тасгийн зүүн гараар дарааллан орж, тогтоосон завсрыг барьж түүнтэй зэрэгцэнгүүт салааны захирагч **“ЧИГЭЭРЭЭ”** эсхүл **“Салаа-ЗОГС”** команд өгнө.

99. Салааг нэг /хоёр/-ийн цуваанаас нэг /хоёр/ эгнээ дэлгээ жагсаалд оруулахдаа салааг зүүн тийш эргүүлнэ.

99. Салааг гурвын цуваанаас хоёрын цуваанд оруулахдаа **“Салаа, хоёрын цуваагаар, алхаад-МАРШ” /хөдөлгөөн дунд-“МАРШ”/** команд өгнө. Энэ командаар нэгдүгээр тасаг 89 дүгээр зүйлд зааснаар явдал дундаа хоёрын цуваанд орох бөгөөд бусад тасаг нь дороо алхаж байгаад өмнөх тасгийн араас дэс дарааллан хоёрын цуваанд орж бүтэн алхаагаар хөдөлгөөнийг үргэлжлүүлнэ.

100. Салааг гурвын цуваанаас хоёр эгнээ дэлгээ жагсаалд оруулахдаа урьдчилан хоёрын цуваанд шилжүүлж /99 дүгээр зүйл/, дараа нь салааг зүүн тийш эргүүлнэ.



Зураг 23. Нэгийн цуваанд жагссан жагсаал

24. 5-аас доош бүрэлдэхүүнтэй тасгууд хоёрын цуваанд жагссан салааны аяны жагсаал

- а) Тасаг дөрвөн хүнтэй
- б) Тасаг гурван хүнтэй

101. Салааг гурвын цуваанаас нэгийн цуваанд оруулахдаа **“Салаа, нэгийн цуваагаар, алхаад-МАРШ” /хөдөлгөөн дунд-“МАРШ”/** команд өгнө. Энэ командаар нэгдүгээр тасаг чигээрээ алхаж, бусад тасаг дороо алхах бөгөөд тасгийн захирагчийн **“ЧИГЭЭРЭЭ”** командаар өмнөх тасгийн араас бүтэн алхаагаар алхаж хөдөлгөөнийг үргэлжлүүлнэ.

102. Салааг нэгийн цуваанаас гурвын цуваанд оруулахдаа **“Салаа гурвын цуваагаар, алхаад-МАРШ” /хөдөлгөөн дунд-“МАРШ”/** команд өгнө.

Энэ командаар нэгдүгээр тасаг дороо алхаж, бусад тасгууд нь нэгдүгээр тасгийн зүүн гараар дараалан нэг шугамд гарах бөгөөд салааны захирагчийн **“ЧИГЭЭРЭЭ”** эсхүл **“Салаа-ЗОГС”** команд өгөх хүртэл дороо алхана.

103. Салааг хоёрын цуваанаас гурвын цуваанд оруулахдаа **“Салаа, гурвын цуваагаар, алхаад-МАРШ” /хөдөлгөөн дунд-“МАРШ”/** команд өгнө. **“МАРШ”** командаар салаа гурвын цуваанд 97 дугаар зүйлд зааснаар шилжинэ.

104. Салааг жагсаахын тулд “Салаа-НАД УРУУ” команд өгөх бөгөөд энэ командаар тасгууд салааны захирагчийн дэргэд гүйн ирж, түүний командаар жагсана.


105. Салааны аяны жагсаалын хөдөлгөөний чиглэлийг өөрчлөхдөө тасгийн аяны жагсаалд заасан журам, командаар гүйцэтгэнэ.

РОТ /БАТАРЕЙ, ЗАСТАВ/-ЫН ЖАГСААЛ


Дэлгээ жагсаал

106. Ротын дэлгээ жагсаал нь хоёр эгнээ эсхүл салаадын цувааны шугамд /салаад нь гурвын, удирдлагын бүлэг хоёрын цуваанд/ байж болно /Зураг 25, 26/. Шаардлагатай үед ротыг нэг эгнээ жагсааж болно.

107. Ротыг дэлгээ жагсаалаар жагсаахдаа “Рот, хоёр эгнээ-ЖАГС” эсхүл “Рот, салаадын цувааны шугамд-ЖАГС” командаар гүйцэтгэнэ. Ротын захирагч нь жагсах команд өгөөд жагсаалын өвөр тал уруу харж зогсоно. Нэгдүгээр салааны захирагч нь “Салаа, хоёр эгнээ /гурвын цуваагаар/-ЖАГС” команд өгч ротын захирагчийн зүүн гарт өөрийн салааг жагсаана. Бусад салаа нь өөрсдийн захирагчийнхаа командаар нэгдүгээр салааны зүүн талд салааны дугаараар жагсана.



Зураг 25. Ротын хоёр эгнээ дэлгээ жагсаал



Зураг 26. Салаадыг цувааны шугамд жагсаасан ротын дэлгээ жагсаал

Нэгдүгээр салааг жагсмагц ротын захирагч жагсаалаас гарч захирагдагч нарынхаа ажиллагааг хянана.

Жагсаалын эхэнд ротын захирагчийн орлогч, дараа нь дохиочин-бөмбөрчин, түүний зүүн талд ротын удирдлагын бүлэг хоёр эгнээ, харин жагсаалын дарга нь ротын эцэст жагсана.

Ротыг хоёр эгнээ жагсаах үед тасагтаа гурав, дөрвөн хүний бүрэлдэхүүнтэй салаа нь 20 дугаар зурагт үзүүлсний дагуу жагсана.

108. Дэлгээ жагсаалд ротыг зэрэгцүүлэх, эргэлтүүдийг гүйцэтгэх, жагсаалын хувиралт болон бусад ажиллагааг тасгийн болон салааны жагсаалын нэгэн адил журам командаар гүйцэтгэнэ.

АЯНЫ ЖАГСААЛ

109. Ротын аяны жагсаал нь гурвын цуваагаар эсхүл хоёрын цуваагаар /Зураг 27, 28/ байж болно.

Ротыг гурав /хоёр/-ын цуваагаар жагсаахдаа **“Рот, гурав /хоёр/-ын цуваагаар-ЖАГС”** команд өгнө. Энэ командаар рот нь 27, 28 дугаар зурагт үзүүлснээр жагсана. Энэ үед салаад нь захирагч нарынхаа командаар дугаарынхаа дарааллаар гурав /хоёр/-ын цуваанд, ротын удирдлагын бүлэг нь нэгдүгээр салааны захирагчийн өмнө хоёрын цуваагаар тус тус жагсана.


Рот аяны жагсаалаар жагссан үед ротын захирагчийн ард түүний техникийн орлогч, түүний ард дохиочин бөмбөрчин тус тус 2 алхам зайтай, жагсаалын дарга нь тусгай салаадын ард алхам зайтай зогсоно.

110. Ротыг салаадын цувааны шугамаас аяны цуваанд оруулахдаа **“Рот, Буу-ООСОРТ”, “Аяны цуваанд, гурав /хоёр/-ын цуваагаар, чигээрээ /явах чиглэл, замыг заана/, алхаад-МАРШ”** командаар гүйцэтгэнэ.


“Аяны цуваанд” командаар салаадын захирагч нар салааныхаа өмнө 2 алхам зайд гарч зогсоно.

Гүйцэтгэх командаар ротын удирдлага хөдөлгөөнөө эхэлж бусад нь дороо алхана. Ротын удирдлага явж зайгаа авахын хамт бусад салаад нь өөрсдийн захирагч нарын **“ЧИГЭЭРЭЭ”** командаар 27, 28 дугаар зурагт үзүүлсээр хөдөлгөөнөө үргэлжлүүлнэ. Салаад нь шаардлагатай үед ротын захирагчаас өгсөн зааврын дагуу захирагч нарынхаа командаар хөдөлгөөн дунд жагсаалын хувиргалтуудыг хийж гүйцэтгэнэ.

111. Ротыг гурвын цуваанаас салаадын цувааны шугамд оруулахдаа **“Рот, зүүн тийш салаадын цувааны шугамд, алхаад-МАРШ”** /хөдөлгөөн дунд-“МАРШ”/ команд өгнө.



Зураг 27. Гурвын ротын жагсаал



Зураг 28. Хоёрын цуваанд жагссан аяны жагсаал цуваанд жагссан аяны ротын


Гүйцэтгэх командаар ротын удирдлагын бүлэг, нэгдүгээр салаа дороо алхаж, бусад салаад зүүн тийш нэгдүгээр салааны шугамд гарч ротын захирагчийн **“ЧИГЭЭРЭЭ”** эсхүл **“Рот-ЗОГС”** команд өгөх хүртэл зохих завсар, зайгаа авна. **“Рот-ЗОГС”** командаар салааны захирагч нар өөрсдийн салааны, захирагчийн техникийн орлогч, ротын захирагчийн баруун гарт тус тус жагсана.

112. Ротыг хоёр эгнээ дэлгээ жагсаалаас хоёрын цуваанд оруулахдаа баруун тийш, харин хоёрын цуваанаас хоёр эгнээ дэлгээ жагсаалд шилжүүлэхдээ зүүн тийш нь эргүүлнэ. Энэ үед захирагч нар хагас алхан байраа эзэлнэ.


БАТАЛЬОНЫ ЖАГСААЛ

Дэлгээ жагсаал

113. Батальоны дэлгээ жагсаал нь салаадын болон ротын цувааны шугамд эсхүл хоёр эгнээ байж болно.



Зураг 29. Салаадын цуваа жагссан батальон дэлгээ жагсаал




Зураг 30. Ротын цувааны шугамд жагссан батальоны дэлгээ жагсаал

Батальон захирагчийн тушаалаар болон **“Батальон, салаад /рот/-ын цувааны шугамд-ЖАГС”** буюу **“Батальон, хоёр эгнээ-ЖАГС”** командаар батальоныг жагсаана.

114. Батальон салаадын цувааны шугамд 29 дүгээр зурагт үзүүлсний дагуу жагсана. Ротууд өвөр талаараа нэг шугамд, рот бүр салаадын цувааны шугамд, салаа гурвын цуваагаар, рот тусгай салаадын хооронд хоёр алхам завсартай жагсана.

Батальон нь ротын цувааны шугамд 30 дугаар зурагт үзүүлсний дагуу ротууд өвөр талаараа нэг шугамд, рот бүр гурвын цуваагаар, салаадын хооронд 4 алхам зайтай ротуудын хооронд 2 алхам завсартай жагсана.



Зураг 31. Батальоны хоёр эгнээ дэлгээ жагсаал

115. Батальоныг салаадын эсхүл ротын цувааны шугамд жагсаах үед артиллерийн салбар болон батальоны хангах салаа нь ротуудын зүүн талд тэдгээрийн шугамд зэрэгцэн 2 алхам завсартай жагсана.


116. Батальоны захирагчийн орлогч, батальоны ахлагч нар дэлгээ жагсаалд батальоны захирагчийн зүүн талд батальоны штабын офицерууд 2 алхам завсар авч, хоёр эгнээ жагсана.

117. Дэлгээ жагсаалд зэрэгцүүлэх, эргүүлэх ажиллагааг тасгийн болон салааны нэгэн адил журам, командаар гүйцэтгэнэ.

АЯНЫ ЖАГСААЛ

118. Батальоны аяны жагсаал нь /Зураг 32/ гурвын цуваагаар нэг нь нөгөөгийнхөө араас 2 алхам зайтай жагссан ротууд, артиллерийн салбар, хангах салааны аяны жагсаалаас бүрдэнэ.

119. Батальон нь салаадын эсхүл ротын цувааны шугамнаас аяны цуваанд **“Батальон, аяны цуваанд, тийм замаар / явах чиглэлийг заана/, ротын цуваагаар”**, **“Буу-ООСОРТ”**, **“Нэгдүгээр рот-УРАГШАА”** командаар шилжинэ.



Зураг 32.
Батальоны аяны
жагсаал

“Аяны цуваанд” командаар ротын захирагч нар ротынхоо өмнө гарч, 2 алхам зайтай тэдний орлогч нар, салааны захирагч нар салааныхаа өмнө 2 алхам зайтай, дохиочин-бөмбөрчин 27 дугаар зурагт үзүүлснээр тус тус байраа эзэлнэ.


Батальоны захирагчийн гүйцэтгэх командаар ротууд, артиллерийн салбар болон хангах салаа нь өөрсдийн захирагч нарын командаар /114 дүгээр зүйл/ дэс дараалан цуваанд орно.

Батальоны захирагч нь эхний ротын захирагчийн урд, захирагчийн орлогч нар түүнээс 2 алхам зайд нэг эгнээнд, тэднээс 2 алхам зайд батальоны штабын офицерууд явна.


120. Батальоныг аяны цуваанаас дэлгээ жагсаалд шилжүүлэхдээ батальоны захирагчийн командаар гүйцэтгэх бөгөөд энэ үед батальоныг жагсах газрыг зааж өгнө. Жагсаалыг хувиргах үед **“Батальон, зүүн тийш салаад / рот/-ын цувааны шугамд, алхаад-МАРШ”** /хөдөлгөөн дунд-МАРШ/ команд өгч 29, 30 дугаар зурагт үзүүлсний дагуу салбаруудыг жагсаана.

БРИГАД /ХОРОО, ОТРЯД/-ЫН ЖАГСААЛ

121. Бригад /хороо, отряд/-ын дэлгээ жагсаал нь салаадын эсхүл ротын шугамд жагссан батальонууд, төрөл мэргэжлийн болон хангалтын салбаруудаас бүрдэнэ. Бригад /хороо, отряд/-ын дэлгээ жагсаалын баруун үзүүрт батальонууд дугаараараа, тэднээс зүүн тийш төрөл мэргэжлийн болон хангалтын салбарууд жагсана.



Зураг 33.
Салаад ротын
цувааны шугамд
жагссан байдал



Зураг 34.
Бригадын аяны
цуваа

Жагсаалын эхэнд бригад /хороо, отряд/-ын захирагчийн орлогч, бригад /хороо, отряд/-ын ахлагч нар, тэднээс зүүн тийш Байлдааны туг, Бригад /хороо, отряд/-ын штабын офицерууд, найрал хөгжим тус бүр 2 алхмын завсартай жагсана. Батальонуудын хоорондын завсар 3 алхам байна /Зураг 33/.

122. Бригад /хороо, отряд/-ын захирагч нь бие бүрэлдэхүүнийг жагсаах хугацаа, байр, зэвсэг техник, хувцас хэрэглэлийн талаар штабын даргад үүрэг өгнө.

123. Бригад /хороо, отряд/-ыг аяны цуваанд оруулах, дэлгээ жагсаалаас салаад /рот/-ын цуваанд шилжүүлэхийг жагсаалын хувиралтуудаар гүйцэтгэнэ.

124. Байран дээр аяны цуваанд оруулах үед батальонууд, төрөл мэргэжлийн болон хангалтын салбарууд анги /хороо/-ийн жагсах газар цуваагаар ирж өөрсдийн байраа эзэлнэ /Зураг 34/.

125. Бригад /хороо, отряд/-ыг дэлгээ жагсаалаас аяны цуваанд шилжүүлэх ажиллагааг тушаалаар, эсхүл командаар гүйцэтгэнэ: **“Анги /хороо/ аяны цуваанд, тийм замаар /эсхүл явах чиглэлийг заана/ ротын цуваагаар”**. **“Буу-ОСОРТ”**, **“Нэгдүгээр батальон-УРАГШАА”**.

“Аяны цуваагаар” командаар батальоны захирагч нар жагсаалаас гарч өөрсдийн батальоны эхний салбарын захирагчаас урагш 10 алхам зайтай зогсоно.

Батальоны захирагч нарын ард 2 алхам зайтай түүний орлогч нар нэг эгнээ жагсана.

Рот, салаадын захирагч нар 125 дугаар зүйлд заасны дагуу жагсаалаас гарч зогсоно. Батальоны захирагч нар дэс дараалан хөдөлгөөн эхлэх команд өгнө.

Бригад нь 34 дүгээр зурагт үзүүлсэн буюу анги /хороо, отряд/-ийн захирагчийн заасан журмаар хөдөлгөөн үйлдэх бөгөөд батальонуудын байран дээрх хоорондын зай 3 алхам, хөдөлгөөн дунд 10 алхам, харин бусад салбаруудын хоорондын зай 3 алхам байна.

126. Бригад /хороо, отряд/-ыг аяны цуваанаас дэлгээ жагсаалд шилжүүлэхдээ захирагчийн тушаалаар, эсхүл командаар гүйцэтгэнэ. Тушаалд анги /хороо/-ийн жагсах газар, өвөр тал, бүрэлдэхүүн, жагсах журмыг заана.

Жагсаалыг хувиргахдаа **“Анги /хороо/, зүүн тийш батальон, рот /салаад/-ын шугамд, алхаад-МАРШ” /хөдөлгөөн дунд- “МАРШ”/** команд өгч, салбаруудыг 33 дугаар зурагт үзүүлсний дагуу жагсаана.

БАЙРАН ДЭЭР БОЛОН ХӨДӨЛГӨӨН ДУНД ЖАГСААЛААР ЁСЛОХ

127. Тасаг, салаа /рот, батальон, хороо, бригад/-ны захирагч нь ахлах захирагч /дарга/-ийг угтан ёсолж, хүндлэхийн тулд түүнийг 10-15 /40-50/ алхам ойртож ирмэгц дараах команд өгнө: **“Тасаг /салаа/, НОМХОН, зэрэгц-БАРУУН ТИЙШ /ЗҮҮН ТИЙШ, ДУНДАА”**;

“Рот /батальон, бригад/, НОМХОН, Зэрэгц-БАРУУН ТИЙШ/ ЗҮҮН ТИЙШ, ДУНДАА”.

Энэ командаар жагсаалд байгаа бие бүрэлдэхүүн жагсаалын үндсэн зогсолтод шилжин, захирагч /дарга/-ийг баруун /зүүн/ тийш хараа гаргаж дагуулж харна.

Салааны захирагч команд өгөхөд жагсаалд байгаа салааны захирагчийн орлогч, тасгийн захирагч нар ёслохгүй, харин рот /батальон, хороо, бригад/-ын захирагч команд өгөх үед жагсаалд байгаа салааны захирагчаас дээших захирагч нар, рот /батальон, хороо, бригад/-ын захирагчийн орлогч, бригад /хороо/-ын ахлагч нар ёсолно.

128. Тасаг /салаа, рот, батальон, хороо, бригад/-ийн захирагч команд өгөөд ёсолж, захирагч /дарга/ руу жагсаалын алхаагаар очиж, түүнээс 2-3 алхам зайд зогсож илтгэнэ: **“Эрхэм дэслэгчид, 2 дугаар тасаг үзлэгт бэлэн. Тасгийн захирагч, дэд түрүүч”**. Ёслолын жагсаал хүлээн авч байгаа захирагч /дарга/ нь команд өгч байгаа захирагчийг ёсолмогц нэгэн адил ёсолж илтгэл авна.

Захирагч илтгэл өгөөд ёсолгоог буулгалгүй зүүн /баруун/ хөлөө хажуу тийш алхан баруун /зүүн/ тийш эргэж, захирагч /дарга/-ийг өнгөрүүлээд түүний араас 1-2 алхам зайд жагсаалын гадна талд хөл нийлүүлэн дагаж алхана.

Захирагч /дарга/-ийг явж өнгөрсний дараа эсхүл түүний **“БОЛНО”** командаар захирагч **“БОЛНО”** команд өгөөд ёсолгоог буулгана.

129. Жагсаалаар явах үед ёсолж хүндлэхийн тулд захирагч нь ахлах даргад 10-15 алхам ойртомогц **“Тасаг /салаа, рот, батальон/, НОМХОН, зэрэгц-БАРУУН ТИЙШ /ЗҮҮН ТИЙШ/”** гэж командлана.

“НОМХОН” командаар цэргийн алба хаагчид жагсаалын алхаанд шилжиж, **“Зэрэгц-БАРУУН ТИЙШ /ЗҮҮН ТИЙШ/”** командаар захирагч /дарга/-ийн зүг нэг зэрэг хараа гарган гарын хаялтыг зогсооно.

Команд өгөх үед жагсаалд байгаа захирагч нар 127 дугаар зүйлд заасан журмын дагуу ёсолно.

Ахлах даргыг өнгөрөөгөөд, эсхүл түүний **“БОЛНО”** командаар захирагч **“БОЛНО”** команд өгч, ёсолгоог буулгана.

Жагсаалаар дуулж яваа үед ёсолж хүндлэх команд өгмөгц дуулахаа зогсооно.

Огцом эргэлт, өгсүүр, уруу болон бартаатай газарт жагсаалаар явах үед ёсолж хүндлэхийн тулд **“Тасаг /салаа, рот, батальон/, НОМХОН, зэрэгц-БАРУУН ТИЙШ /ЗҮҮН ТИЙШ/”** гэж команд өгөлгүй захирагч нь ахлах албан тушаалтанд ёсолно.

130. Захирагч /дарга/-ийг мэндлэх эсхүл баяр хүргэх үед цэргийн алба хаагчид чанга, тод дуугаар, нэгэн зэрэг хариулна: **“Эрхэм ахмадын амрыг эрье”** эсхүл **“Урай, урай, урай”**.

Хөдөлгөөн дунд цэргийн алба хаагчид хариултыг зүүн хөлийг тавингуут эхэлж, дараагийн үгийг хөл тавих бүрт хэлнэ.